

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Provisione Et Obtentione Beneficiarvm

Leuren, Peter

Coloniæ Agrippinæ, 1704

466. An, dum Papa provisionem, electionem, confirmationem reservavit
sibi, & ante emanatam hujusmodi particularem reservationem ad
electionem processum fuit, adeoque valida fuit electio, validè dein ...

[urn:nbn:de:hbz:466:1-74485](#)

latione cognoscit, quia à confirmatione vel cassatione electionis est interposita, & judicat bene appellatum esse, electionem vel confirmat vel cassat. Pass. loc.cit.

Quæstio 465. An confirmator ordinarius, pendente lite super jure electionis, vel etiam ubi appellatum est ab electione, confirmare possit electum?

R Espondeo primò: pendente lite de jure electionis, dum ea interim instituta est, confirmari non debet, antequam lis decidatur; sed nec infirmari, cum ejus vis suspensa sit, ac dependens à futuro eventu. c. cùm venissent. de in integr. restitut. Laym. ibidem n. 4.

2. Respondeo secundò: si ab electione in Ecclesia cathedrali vel regulari celebrata, cuius confirmatione ad Ordinarium, nempe ad Archiepiscopum vel Episcopum pertinet ex causa probabili (qua si probetur, legitima seu justa reputari debet) ad Sedem apostolicam in scriptis fuit appellatum, & Ordinarius nihilominus electionem confirmet, talis confirmatione irrita est, cùm sit ab eo, qui non potuit, de facto præsumpta, nisi appellans prius ab ipsa applicatione canonice (id est, sine pravitate) recellerit. i.e. si postquam de elect. in 6. Barboli. ibid. n. 1. Pirk. de elect. n. 313. Ratio est, quia per applicationem, etiam extra judiciale, ab electione ad Sedem apostolicam suspensa fuit iurisdictio inferioris judicis Ordinarii, unde hæc applicatione pendente, talem electionem confirmare nequit, nisi appellante renunciante sua applicatione, per hunc ejus ab applicatione recessum recuperet Ordinarius iurisdictionem seu potestatem confirmandi. Pirk. loc. cit.

3. Respondeo tertio: quod si tamen ab electione non ad cathedralem vel regularem prælaturam appellatum non est ad Sedem apostolicam, sed ad alium inferiorem judicem, sive extra, sive intra iudicium ante sententiam disflinitivam, nihil impediat, quod minus inferior seu Ordinarius, à quo appellatum, in causa procedere possit, donec appearat, an Superior, ad quem appellatum, cognitæ veritatem suâ rescindere velit juxta c. non solum. §. illa rei, de appellat. in 6. Siquidem id de electione ad cathedralem vel regularem statutum est; idque ob reverentiam Sedis apostolicae, & quia causa maiores facultas devolvuntur ad Papam. Pirk. loc. c. Laym. l.c. n. 2. cum gl. incit. c. si postquam. v. ad Sedem apostolicam.

4. Procediturque id ipsum etiam, ubi legitimè electus appellavit à confirmatore Ordinario, eo quod id ipsum noluerit confirmare, ita ut pendente tali applicatione facta ad Sedem apostolicam (secus, si ad alium inferiorem judicem appellatum) confirmator etiamjam velit, non possit eam confirmare validè. Castellin. de elect. c. 16. n. 19. apud Donat. to. 2. 27. 6. q. 18. n. 2. nihilominus Portell. in dub. v. appellare, n. 8. apud eundem Donat. loc. cit. n. 1. tradit absolute posse in hoc casu adhuc confirmare validè confirmatorem illum Ordinarium, non obstante, quod appellatio liget manus judicis appellari, & prohibent amplius procedere; eo quod appellatio introducta sit à jure in beneficium appellantis; quisque autem cedere possit juri & beneficio suo. Item quia id non est contra finem & intentionem appellantis; imò correspondet ejus desiderio. Et licet appellatio suspendat iurisdictionem judicis, à quo appellatur, non tamen quod ad tendenciam in facilitorem exitum caula verum videtur huic sententiae obstat reverentia Sedis apostolicae, ad quam appellatum,

Quæstio 466. An, dum Papa provisionem comprehendendo hoc nomine electionem confirmationem, ut factum in c. si eo tempore de elect. in 6. Ecclesia alicuius sua dispositioni reservavit, inhibens, ne ad electionem vel provisionem illius procedatur, & quid attinetur, sive scienter, sive ignoranter, an inquam, in hoc casu ante emanatam hujusmodi particularem reservationem ad electionem in tali Ecclesia fuerit processum, adeoque valida sit electio, utpote antecedens illud decretum reservationis, valide dein post emanatam illam reservationem possit confirmari ab inferiore, nihil adhuc sciente de illa reservatione.

R Espondeo affirmativè, si sermo est, non de Ecclesiis cathedralibus, sed Prælaturis inferioribus; ubi enim in his præcessit canonica electio reservationem, adeoque jam valida est, quidquid postea faciendum restat, expediti potest per Ordinarium, nec opus est pro confirmatione adire Papam; siquidem quod in contrarium statutum, nempe ut post electionis talis validæ confirmationis aliqua circa illam gesta etiam ab ignorantibus illam reservationem post illius emanationem, id inquam, solum locum habet in Ecclesiis cathedralibus, de quibus duntaxat loquitur, si eo tempore de elect. in 6. Pirk. de elect. n. 330. jundon. n. 329. Laym. in cit. v. si eo temp. n. 2. citans gl. in idem. c. v. cathedralis. Franc. ibid. n. 2. & Garc. de benef. p. 4. c. 3. n. 20. & 40.

Quæstio 467. An confirmandus electus in discordia?

R Espondeo, electum in magna discordia, etiam si ejus electio facta à majore parte eligentium, sine magno tamen excessu votorum, confirmari non debet, tradit. Donat. to. 2. 27. 7. q. 9. n. 5. citans gl. in c. si quando de elect. in 6. (qua tamen glossa nihil de hoc, ut Pass. mox citand.) Sylv. v. confirmatio. Castell. de elect. c. 14. n. 58. Azor. q. 2. l. 6. de 4. decalog. præc. ratio illius est evitatio futurarum discordiarum, qua religiosam tranquillitatem evitunt. Idque ut ait Donat. ex Castell. loc. cit. præcipue, ubi electus est vir cholericus, memor injuriarum, & vindicatus.

2. Verum hanc sententiam non tenere in electione, in qua servanda forma c. quia propter ad validitatem electionis requirentis, ut quis electus sit à majore parte capituli; nec est conformem communis DD. afferentum, electum à majore parte, si non adsit defectus in electione vel persona electi, esse confirmandum, afferit Pass. de elect. c. 133. n. 128. eo quod quantumcumque discordia in eligendo sit magna, si proveniat à bono zelo, non sit reprehensibilis. c. ult. d. 63. & c. 17. 8. q. 1. unde non sit, cur caset ut electio talis in discordia habita (maxime, si discordia nō fuerit ex culpa electi) nisi forte in casu aliquo particulari per accidentis immineret ex confirmatione grave damnum & scandalum, quod per se non imminet ex eo, quod electio facta sit in discordia. Ad hanc, ut Pass. n. 129, cùm in iis, quæ sunt à pluribus jure collegit, id quod sit à majore parte, fieri censemur à toto capitulo, argumento c. in causis. de elect. c. ad aures. de his qua vi. ut Barbos. ad. c. bona. de p. ful. n. 6. Archid. in c. Nicena. d. 31. Electio canonica, utpote quæ sit in re collegii, censemur ad huc concors.